

DIE XXII. AVGVSTI.

IN FESTO

SANCTI JOSEPHI

CALASANTII A MATRE DEI,

CONFESSORIS, ET FUNDATORIS

Ordinis Clericorum Regularium Pau-

perum Matris Dei Scholarum

Piarum.

Duplex.

*Omnia de Communi
Conf. non Pontif. præ-
ter ea, que sequuntur.*

ORATIO.

Deus, qui per San-
ctum Josephum
Confessorem tuum, ad
erudiendam spiritum in-
telligentiæ, ac pietatis
juventutem, novum
Ecclesiæ tuæ subsidium

providere dignatus es
præsta quæsumus, nos
ejus exemplo, & inter-
cessione ita facere, &
docere, ut præmia con-
sequamur æterna. Per
Dominum nostrum Je-
sum Christum Filium
tuum, qui tecum, &c.
Rz. Amen.

A IN

IN I. NOCTURNO.

Lectioes, de Scriptura occurrentes.

IN II. NOCTURNO.

Lectio iv.

Josephus Calasancius à Matre Dei Petraltae in Aragonia nobili genere natus, à teneris annis, futurae in pueris charitatis, & eorum institutionis indicia praebuit. Nam adhuc parvulus eos ad se convocatos in Mysteriis Fidei, & sacris precibus erudiebat. Humanis, divinisque litteris egregie doctus, cum studiis Theologicis Valentiae operam daret, nobilis, potentisque foeminae illecebris fortiter superatis, virginitatem, quam Deo voverat, in-

offensam insigni victoria servavit. Sacerdos ex voto factus, à compluribus Episcopis in Castellae novae, Aragoniae, & Catalauniae Regionis in partem laboris adscitus, expectationem omnium vicit, pravis ubique moribus emmendatis, Ecclesiastica disciplina restituta, inimicitiis, cruentisque factionibus mirifice extinctis. At caelesti visione, & Dei voce frequenter admonitus, Romam profectus est. Tu autem, &c.

R. Honestum fecit, &c.

Lectio v.

IN Urbe summa vitae asperitate, vigiliis, & jejuniis corpus affligens, in orationibus, & caelestium rerum

con-

contemplatione dies,
noctesque versabatur,
septem ejusdem Urbis
Ecclesias singulis ferè
noctibus obire solitus:
quem inde morem
complures annos ser-
vavit. Dato piis soda-
litatibus nomine, mi-
rum, quanto ardore
pauperes, infirmos po-
tissimum, aut carceri-
bus detentos ele'mo-
synis, omnique pieta-
tis officio sublevaret.
Lux Urbem depopulan-
te, uná cum Sancto Ca-
millo, tanto fuit actus
impetu charitatis, ut
præter subsidia ægrotis
pauperibus largè col-
lata, ipsa etiam defun-
ctorum cadavera suis
humeris tumulâda trãf-
ferret. Verum cum di-
vinitus accepisset, se

ad informandos intel-
ligentiæ, ac pietatis spi-
ritu adoleseculos, præ-
cipuè pauperes, desti-
nari, Ordinem Clerico-
rum Regularium Pau-
perum Matris Dei Scho-
larum Piarum funda-
vit, qui peculiarem cu-
ram circa puerorum
eruditionem ex pro-
prio Instituto profite-
rentur: ipsumque Or-
dinem Clementi Octa-
vo, Paulo Quinto, aliis-
que Summis Pontifici-
bus magnopere proba-
tum, brevi tempore
per plurimas Europæ
Provincias, & Regna
mirabiliter propagavit.
In hoc autem tot labo-
res perpeffus est, ac tot
ærumnas invicto ani-
mo toleravit, ut om-
nium voce miraculum
for-

fortitudinis, & Sancti
Jobi exemplum diceretur.
Tu autem, &c.

Amavit eum, &c.

Amavit eum, &c.

Lectio vi.

QUAMVIS Ordini
universo præses-
set, totisque viribus ad
animarum salutem in-
cumberet, numquam
tamen intermisit pue-
ros, præsertim paupe-
riores, erudire, quorum
Scholas verrere, eosque
domum comitari con-
suevit. In eo summæ
patientiæ, & humilita-
tis munere, valetudine
etiam infirma, duos, &
quinquaginta annos
perseveravit: dignus
propterea, quem crebris
Deus miraculis coram
discipulis illustraret, &
cui Beatissima Virgo

cum puero Jesu, illis
orantibus, benedicente,
appareret. Amplissimis
interim dignitatibus re-
pudiatis, propheta, ab-
dita cordium, & absen-
tia cognoscendi donis,
& miraculis clarus, Dei-
paræ Virginis, quam
singulari pietate, & ip-
se ab infantia coluit, &
suis maxime commen-
davit, aliorumque cœ-
litum frequenti appa-
ritione dignatus, cum
obitus sui diem, & Or-
dinis tunc propè ever-
si restitutionem, atque
incrementum prænun-
tiasset, secundum, &
nonagesimum annum
agens, Romæ obdor-
mivit in Domino octa-
vo Kalendas Septem-
bris anno millesimo
sexcentesimo quadra-

gesimo octavo. Ejus
Cor, & Lingua post sæ-
culum integra, & in-
corrupta reperta sunt.
Ipse verò multis post
obitum quoque signis
à Deo illustratus, pri-
mum à Benedicto De-
cimoquarto, Beatorum
cultu decoratus fuit,
ac deindè à Clemente
Decimotertio, Pontifi-
ce Maximo inter San-
ctos solemniter est re-
latus. Tu autem Domi-
ne, &c.

R. Iste homo, &c.

IN III. NOCTURNO

Lectio S. Evangelii se-
cundùm Matthæum.

Lectio vii. Cap. 18.

IN illo tempore: Ac-
cesserunt Discipuli
ad Jesum dicentes:
Quis putas, major est

in Regno Cœlorum
Et reliqua.

Homilia Sancti Joan-
nis Chrysostomi.

In Cap. 18. Matth.
hom. 60.

Videte, ne aliquem
istorum contemp-
feritis parvulorum,
quia eorum Angeli Pa-
tris mei faciem semper
aspiciunt, & quia ego
propter eos veni, &
hæc Patris mei volun-
tas est, ad tuendos,
conservandosque pusil-
los, diligentiores nos
reddit. Pænitentiam in tutelam re-
nuium mœnia crexerit,
& quantum studium,
curamque habeat, ne
perdantur: tum quia
supremas decipienti-
bus

bus eos poenas statuit; tum quia summam pollicetur mercedem his, qui curam eorum suscipiunt, idque tam suo, quam Patris exemplo corroborat. Tu autem, &c.

R. Ille est, &c.

Lectio viii.

Dominum igitur etiam nos imitemur, & nihil pro fratribus omittamus, etiam eorum, quæ humilia, viliæque nimium videntur: sed si administratione nostra etiam opus fuerit, quamvis tenuis, atque abjectus quidem, cui administrandum sit, fuerit, quamvis ardua nobis res, atque laboris plena esse videatur, omnia hæc pro fratris

salute tolerabiliora, faciliioraque, oro, videantur: tanto enim studio, tantaque cura Deus dignam esse animam ostendit, ut neque Filio suo pepercit. Tu autem, &c.

R. Sint lumbi vestri, &c.

Lectio ix.

Si non est nobis satis ad salutem, quod virtuosè ipsi vivamus, sed oportet aliorum salutem re ipsa desiderare; cum neque nos rectè vivamus, neque alios hortemur, quid respondebimus? Quæ nobis spes salutis reliqua erit? Quid majus, quam animis moderari, quam adolescentulorum fingere

gere mores? Omni certè
pictore, omni certè
statuario, cæterisque
hujusmodi omnibus ex-
cellentiorem hunc du-
co, qui juvenem ani-
mas fingere non igno-
ret. Tu autem, &c.

Te Deum laudamus,
&c.

Elogium inferendum in

Martyrologio Romano:
Romæ depositio S.
Joseph Confes-
soris, vitæ innocentia,
& miraculis illustris,
qui ad erudiendam pie-
tate, ac litteris juveni-
tutem, Ordinem Cle-
ricorum Regularium
Pauperum Matris Dei
Scholarum Piarum fun-
davit.

DECRETUM.

ORDINIS CLERICORUM REGULARIUM
Pauperum Matris Dei Scholarum Piarum.

Ad enixas preces P. Cajetani à S. Agnetæ, Procu-
ratoris Generalis Ordinis Clericorum Regula-
rium Pauperum Matris Dei Scholarum Piarum nomi-
ne etiam totius Ordinis exposcentis elevationem ritus
ad duplicis primæ classis cum Octava extensionem, eo-
rumdem ad Clerum Civitatum, Locorum, & Sodali-
tatum, quibus à Sancta Sede Apostolica recitatio jam
indulta erat, nec non descriptionem nominis, &c. in
Martyrologio Romano, Sancti Joseph Calasanti à
Matre Dei, prædicti Ordinis Fundatoris, Sacra Con-

gregatio, referente Eminentissimo, & Reverendissimo Domino Cardinali Columna Urbis Vicario Ponente, & audito R. P. D. Carolo Alexio Pisani Fidei Promotore, pravia elevatione ad ritum duplicis primæ classis cum Octava pro Ordine tantum Scholarum Piærum, supra dicta Officium, & Missam propriam cum Octava, prout jacent ab eodem Eminentissimo, & Reverendissimo Domino Cardinali Ponente examinata, & revisa, in posterum in toto supradicto Ordine recitari, & respectivè celebrari posse indulgit: Quo verò ad Clerum Civitatum, Locorum, & Sodalitatum in precedentibus indultis comprehensum prædictorum Officii, & Missæ propriorum celebrationem, & recitationem benignè indulgit sub eodem tamen ritu, quo hætenus recitarunt, absque Octava, & cum Lectionibus primi Nocturni de Scriptura occurrente: necnon Elogium suprascriptum ab eodem Eminentissimo, & Reverendissimo Domino Cardinali Ponente compositum approbavit, & in Martyrologium prædictum referri posse concessit. Die 15. Martii 1768.

Fl. Card. Chisius Præfectus.

Loco Si ✱ gilli.

V. Macedonius S. R. C. Secret.

Barcin. die 20. Octobr. 1769.

Reimprimatur.

De Rico V. G. & Offic.

Illede Apud Christophorum Escudèr, Typographi